



Inatsisartunut ilaasortaq  
Akitsinnguaq Olsen

### § 36, imm. 1 naapertorlugu Inatsisartunut ilaasortap Akitsinnguaq Olsenip apeqqutaanut akissut

16. september 2010  
Sagsnr. 2010-037183  
Dok. Nr. 450604

Inatsisartunut ilaasortap akissutaanut qujavunga.

- **Sianeriak tamakkerlugu peqqinnissaqarfiup qarasaasiaq atorlugu nakorsiertitsisarnerit atuligaat maannamut qanoq misilittaqarfigineri ingerlappat, tamatumani atuisunit innuttaasunit sullissisunillu maannamut qanoq nalilerneqarpat?**

Postboks 1160  
Tlf: 34 50 00  
Fax: 32 55 05  
3900 Nuuk  
Email: pn@nanoq.gl  
www.nanoq.gl

Telemedicin atorlugu nakorsiertitsisarnermik suliniuteqarnikkut nappaatip pitsaanerusermik pilertornerusermillu suussuserisarnerisigut katsorsaanermillu pisariaqartinneqartumik aallartitsinikkut nukissanik atorluaanerunissaq taperser-neqassaaq. Telemedicin atorlugu nakorsiertitsineri atororissaarut peqqis-saaneramik suliallit aalajangiiniarneranni tapertaaneruserussatut naatsorsuutigine-qarpoq. Isumaqarpunga suliniummi anguniakkat tamakku naammassititerneqa-leruttortut.

Peqqinnissaqarfimmi telemedicin atorlugu nakorsiertitsisarnermik piviusun-gortitsineq immikkoortukkuutaarneqarpoq. Tassunga atortunik ikkussuineq naammassereerpoq, Pipaluullu atorneqarnissaanik misilittagaqartoqangaatsia-lereerluni. Taamaattumik suliniutip immikkoortuanik siullermik naliliinissaq pilersaarutigineqarpoq. Innuttaasut misilittagaasa naliliinernut ilaatinneqarnissaat isumaliutigineqarsinnaavoq.

Sulisut misilittagaat eqimattanut marluinnut atororissaarummik ulluinnarni atuisuusunut naleqqiullugit isigineqartariaqarput.

1. Nunaqarfinni sulisuusut atororissaarummik atuisuusut.
2. Peqqinnissaqarfinni DIN-imilu sulisuusut sulianik nunaqarfinnit illoqarfinniillu tigooqqaasusut.

1) Ataatsimut isigalugu Pipaluup atorneqarnissaa nunaqarfinnit soqutigine-qartorujussuullunilu kissaatigineqartorujussuuvoq. Nunaqarfinni sulisut napparsimasut pillugit elektroniskimik nalunaarsuineramik atuisinnaalernissamut periarfissinneqarput, tamatumuunalu suleriaatsit oqilisaavigeqataaffigineqarsinnaapput.

Periaatsip pitsanngorsarneqartuarnissaa naleqqussarneqartuarnissaalu sulissutigi-

neqarput. Taamatuttaaq aamma siunissami Pipaluk pillugu suleriaatsit aqqis-sunneqarnissaat sammineqarpoq.

2) Pipalummik atuinermi napparsimmavinni napparsimasulerisut, sulisut aqutsisullu aqqissuussivigineqarnissaat kisimi apeqqutaanngilaq, aammali attaveqarsinnaanerup aalajaatsuunissaa pinngitsoorneqarsinnaanngilluinnarluni. Taamaattumik attavilunnerit, qamittoornerit il.il. aarlerinaataapput. Taamaattumillu Pipaluup nunaqarfinni nakorsiartarfiit napparsimmaviullu akornanni suleriaatsimut akuliunneqarnissaanut Telep qanimut suleqatigineqarnissaa pisariaqartinneqarpoq. Maanna Tele Greenland nunaqarfinni paasissutissanik taamaallaat arriitsuinnarmik nuussisarnermik periarfissaqartitsivoq, tamatumuunakkullu telemedicin atorlugu nakorsiartitsisarnermik atuiniarneq killilersimaarneqarluni.

Suliat napparsimasunut tunngasut pillugit arlallit nalunaaruteqartarsimapput tamatumani napparsimasumik aallarussigasuarnissamik nuussinissamilluunniit aalajangiineq telemedicin atorlugu nakorsiartitsissutikkut paasissutissiissutigineqartut iluaqutaalluartaarsimasut. Telemedicin atorlugu nakorsiartitsisarnermik suliniut isorliunerusuni napparsimasunik misissuinerup nappaammillu suussusersinninnerup pitsaassusaanut nukittorsaataasut naliliiffigineqarpoq.

Peqqinnissaqarfik telemedicin atorlugu nakorsiartitsisarnermik malittarinninnissamut ineriartortitseqqinnissamullu iliussissatut pilersarusiuleruttorpoq, pingaartumik video atorlugu ataatsimiinnernut atortunik ikkussuinissamut periarfissanut tunngatillugu, tamannalu sulisunit annertuumik kissaatigineqarpoq, suleriaatsinut pitsanngorsaataarujussuarnissaa pissutigalugu. Tamatumali teknikkikkut ajornannginnissaa, tamatumunngalu pisariaqartinneqartunik aningaasaliissutissanik immikkoortitsisoqarsinnaanissaa pisariaqarput.

- **Suliami pineqartumi aningaasat atorineqartut aallarnisarnermilu atorineqartut qassiuppat, qanorlu aningaasartuutit naatsorsuutigineqaqqaartunit sipporneqarsimatigippat, aningaasallu qassit tamatumani pineqarpat?**

Piffissaq 2008-2010-mut tamaat isigalugu suliniummut missingersuutit tamarmiusut 35,4 mio. kr.-iupput. 1.8.2010-p tungaanut 24,6 mio. kr.-it naatsorsuutinit nalunaarneqarsimapput. Tamatuma saniatigut naatsorsuutini allani telemedicin atorlugu nakorsiartitsinermut tunngasut annertuumik aningaasartuuteqarfiusimapput, matumanilu telemit akigitinneqartut aningaasartuutaanerpaajupput. Taamaattumik ataatsimut isigalugu piffissami 2008-2010-mut telemedicin atorlugu nakorsiartitsisarnermik aallartitsinermut piviusunngortitsinernullu atatilugu atuinerussuteqartoqarnissaa ilimagineqanngilaq.


Telemit akigititaasut qaffasinneri pissutigalugit paasissutissanik nuussinernut aningaasartuutit missingersuutini aningaasanut immikkoortinneqartunut tunngatillugu ajornartorsiutaalersinnaapput. Paasissutissanik nuussinernut maanna akigitinneqartut telemedicin atorlugu nakorsiartitsisarnermi periarfissanik tamakkiisumik atorluannissamut aporfiupput.

- **Piffissamut siunnerfigeqqaakkamut aqqissuussineq pineqartoq aal-larnisarpa, kinguaattooruteqarsimappallu tamanna sunik peqqute-qarpa, qanorlu kinguneqarpa?**

Suliniut suliniummut piffissalersuineq Inatsisartullu 2007-imit aningaasaliissu-taat naapertorlugit aallartinneqarpoq.

Telemedicin atorlugu nakorsiertitsisarneq sumiiffinni 68-ini, tassa nunaqarfinni, napparsimmaveeqqani, peqqissaavinni, najukkani napparsimmavinni, Dronning Ingridillu Napparsimmavissuani ikkussuunneqarpoq. Taamaattumik innuttaasut 95 %-ii sinnerlugit telemedicin atorlugu nakorsiertitsisarnikkut peqqinnissaqar-fiup sullississutaanik toqqaannartumik atuisinnaalerput.

Inussiarnersumik inuulluaqqusillunga



Agathe Fontain